

# ХУҚУҚ

МУСТАҚИЛЛИК

ДЕМАКДИР

YURIDIK GAZETA

БОШ МУҲАРРИР МИНБАРИ

## ГАЗЕТА ЎҚИЙДИГАН ХУҚУҚШУНОСЛАР

Журналист — муҳбиримиз етти марта тугатилиб қайта тикланган бир фермернинг манфаати ҳимоя қилинган суриштирув мақоласини тайёрлаш учун икки ой тер тўкиб меҳнат қилди. Ҳокимлик ва суд қарорларини, бошқа тегишли ҳужжатларини синчиқлаб ўрганди. Ҳатто Тошкентга келиб, қатор мутасадди идораларнинг масъул кишилари ва мутахассислари билан бир неча марта учрашди. Ниҳоят мақола ўқувчилар эътиборига ҳавола этилди. Энди таҳририят ҳам, муаллиф ҳам, хуқуқни тиклаш умидида юрган фермер ҳам кутди. Ҳа деганда жавоб бўлавермагач, муҳбирнинг ўзи Жиззах вилоятидаги масъул идораларнинг эшигини таққиллатди:

— Сизни танқид қилган мақоламни ўқидингизми?

Суд идораси парво қилмайди. Прокуратура эса... бир амаллаб «Хуқуқ» газетасининг шу сонини топиб келишди. Чунки идорадаги газеталар тўллани пала-партиси экан.

— Жиззахда ҳеч қим газета ўқимас экан, — дейди ёш журналист куюниб. Албатта алам устида айтилган бу хулоса нисбий. Бошқа вилоятларга нисбатан оз бўлсада бу ерда ҳам ўқувчиларимиз бор. Бироқ ҳар бир прокуратура ходими газетамизга ёзилишда намуна бўлишса... деган орзу ҳам бор гап.

Шу йилнинг бошида Сурхондарё вилоят прокуратурасидан «Газетада эълон қилинган танқидий материал тасдиқланмади» деган расмий хат олиб, ҳайрон қолдик. Чунки Олтинсой туманидаги ҳўжаликлардан бирида юз берган қонунбузарликлар қаламга олинган ушбу мақоладан кейин Қишлоқ ва сув ҳўжалиги вазирилик текшириш ўтказиб, келтирилган фактлар тасдиқлангани ва қамчиликларни бартараф этиш учун чора-тадбирлар кўрилгани ҳақида вазир ўринбосари имзоси билан жавоб хати ёзган эди. Ҳатто бу жавоб хати газетада эълон қилинган эди. Бунини эшитган, ушбу жавоб билан танишиш

учун Сурхондарё вилоят прокуратурасидагилар «Хуқуқ» газетасининг шу сонини тополмай Тошкентга — таҳририятга мурожаат қилишга мажбур бўлишди. Вилоят прокуратурасида биронта ходим «Хуқуқ» газетасини олмайди эканда, дейиш учун бизда асос йўқ. Лекин ҳеч бўлмаганда прокурор ва ўринбосарларнинг қабулхоналарида, таҳрилот ва қонунлар тарғиботи билан шуғулланувчи масъул ходимларнинг кабинетларида тегишли газеталарнинг тўла тахлами бўлиши шарт эмасми?

Хоразм вилоятининг бир қатор туманларида бу масала билан қизиқиб, хурсанд бўлдик. Прокурорнинг хонасида ҳам, қабулхонада ҳам газета тўллалари батартиб. Прокурорларимизнинг «Хуқуқ» газетаси ва «Қонун ҳимоясида» журналининг ютуқ ва қамчиликлари ҳақидаги очик, самимий гаплари бизга маъқул бўлди. Қорақалпоғистон Республикасининг Беруний, Тўртқўл, Эллиққалъа туманларида ҳам таҳририят фаолияти ўқувчилар томонидан жиддий кузатиб борилишини сездик.

Ўқувчиларимизнинг фикр-мулоҳазалари журнал ва газета мундарижасини белгилашда бизга жуда қўл келади.

— Тўрғи қиласизлар, мелодрама, арзон сенсациялар ҳуқуқий нашрга ярашмайди, — деб қолди учрашувлардан бирида Ховос туман прокурори Мирзааҳмад Маҳмудов. Прокурорнинг ҳозирги газеталар, умуман матбуот ҳақидаги қарашлари ўзига хос, анча кескин экан: — Баъзида айрим шахслар томонидан ҳуфёна сотилаётган «Бульвар» газеталари ўқувчиларнинг, айникиса ёшларнинг дунёқарашини «ўзига мослаб» олмакда. Шу боис ҳатто вилоятларнинг ўзида чиқиб турган соҳавий газеталар бозорга тезроқ кириш учун «олди-қолди» материал беришга мойил. Бу эса умумий савияга, яна ҳам аниқроқ айтадиган бўлсак, мафқуравий ҳаётга салбий таъсир кўрсатиши мумкин.

— Мен жойларда тармоқ газеталарининг чоп этилишига қарши эмасман, — дейди журналист ва ёзувчи Бахтиёр Ризаев.

(Давоми 2-бетда.)



Р. НУРИНБОЕВ олган сурат.

Оналар дуога қўл очса...

### «ҚОНУН ҲИМОЯСИДА» ЖУРНАЛИ ВА «ХУҚУҚ» ГАЗЕТАСИГА ОБУНА

(2000 йил 1 ноябрдан бўлган маълумот)

вилоятлар	«Хуқуқ»	«Қонун ҳимоясида»
Қорақалпоғистон		
Республикаси	114	75
Андижон	61	53
Бухоро	156	24
Жиззах	5	1
Қашқадарё	241	27
Навоий	10	4
Наманган	122	85
Самарқанд	82	49
Сурхондарё	68	67
Сирдарё	65	77
Тошкент	132	66
Фарғона	28	16
Хоразм	56	47
Тошкент ш.	254	119

Ушбу сонда

### ТЕРРОРИЗМ — УМУМИНСОНИЯТ ДУШМАНИ

Буюк Британия давлати ва ҳукумати томонидан терроризмга қарши қурашни фақат полиция идораларига давлат микёсида юклар қўйиш билан чекланмасдан, балки терроризмга қарши кураш масаласига алоҳида эътибор берилган.

2 - бет

### ХОМТАЛАШ

Сўнги йилларда боғбон ва деҳқонларнинг яқин хориж мамлакатларига ўз маҳсулотларини олиб бориб сотишларида бир қатор сунъий тўсиқлар вуқудга келган эди.

3 - бет

### ВАЗИРЛАР ЛИМУЗИН МИНМАЙДИ

Хомчўтларга кўра, ҳали мойи артилмаган 39 та лимузиннинг сотилишидан давлат газнасига 2,5 млн. доллар маблағ тушиши мумкин. Сотувдан тушган пуллар эса аҳолисининг 60 фоизи қашшоқликда кун кечираётган мамлакатда турмуш тарзи яхшиланishiга сарфланади.

7 - бет

«Хуқуқ» — ҳақиқат ҳимояси

ОБУНА 2001

E-mail: huquq@mail.UzNet.NET

XXI асрнинг илк йилида ҳам «Хуқуқ» газетаси ва «Қонун ҳимоясида» журнали ҳар бир хонадонга кириб борсин. Сизлар билан ҳамкорлигимиз янада мустақамлансин. 2001 йил учун нашрларимизга обуна давом этаётганини яна бир бор эслатиб ўташим: «Хуқуқ» ва «Қонун ҳимоясида» — бу Сизнинг минбарингиз. Бу — мустақиллик минбари.

Индексларимиз:

«Қонун ҳимоясида» — 839, 840.

«Хуқуқ» — 231, 232.

### Ушбу сонда

Олти нарсга роҳатда яшашга ёрдам беради: ишчанлик, ҳақиқий дўст, тарбияли фарзанд, меҳрибон хотин, ширин, мақбул сўз ва ақлу фаросат.







# ТАҲРИРИЯТ ХАТКУТИСИДАН

## СУД ҚАРОРИ БАЖАРИЛМАЯПТИ

*Ассалому алайкум, ҳурматли таҳририят!*  
Сизларга бир масалада ердан сўраб хат ёзмакдаман.  
Тошкент шаҳар Мирзо Улдубек туманидаги Нодира кўчаси 16-уй 43-хонадонда яшовчи Р.Алимуҳамедов билан турмуш қуриб, 1992 йили қизчали бўлган эдик. Кейин тақдир тақозоси билан ажрашиб кетдик.

Р.Алимуҳамедов ҳеч қачонда ишламайман деб ёлгон ишлатиб, Мирзо Улдубек туман суди ижрочиси Зафар Илёсов орқали ўз чўнтагиндан қизига 1999 йил учун 1800 2500 сўмдан алимент тўлаб юрди. Ваҳоланки, бу вазифада «Кобул - текстайл» қўшма корхонасида ишлаб, 35-50 минг сўмдан маош олар эди.

Р.Алимуҳамедовнинг меҳнат дафтарчасидан нусха, иш ҳақи кўрсатилган маълумотнома олиб, туман судига мурожаат қилдим. Бир ҳафта ичида 1999 йил учун алимент ундирилсин деб суд ижросига топшириқ берилди. 2000 йил тўғаб бораётгани ҳамки, Р.Алимуҳамедов ҳалигача алимент тўламай юрди.

Ушбу хатимга мутасаддилар нима деб жавоб беришар экан?

**Н.АЛИМУҲАМЕДОВА,**  
Тошкент шаҳри,  
Собир Раҳимов тумани

## ТАЛАБИ ҚОНДИРИЛДИ

Таҳририятимизга Жарқўрғон тумани Т.Шобуров номли ширкат ҳўжалиги «Ўзбекистон» маҳалласида яшовчи фуқаро Урол Эрнзаровдан шикоят келган эди. Яқинда ушбу шикоят бўйича Жарқўрғон туман прокуратурасидан жавоб хати олдик.

Ариза муаллифи ўз аризасининг биринчи бандида маҳалла кўмитаси 16 ёшгача бўлган фарзандлари учун нафақа пулини факат 6 ой берганлигини, қолган нафақа пулини бермаётганлигини баён қилган.

Ушбу факт юзасидан текшириш ўтказилганда Вазирлар Маҳкамасининг 437-сонли Қарорининг 3-бандига асосан нафақа 6 ойга тайинланиши ва тўланиши, сўнгра нафақа олиш учун ҳужжатлар қайта расмийлаштирилиши лозимлиги аниқланди.

Аризанинг иккинчи бандида маҳалла кўмитаси томонидан аризачига 16 ёшгача бўлган фарзандлари учун нафақа пуллари вақти-вақти билан берилмаётганлиги баён қилинган. Ушбу ҳолат текширилганда фуқаро Урол Эрнзаров ҳақиқатдан ҳам 4 нафар фарзанди учун 2000 йил август ойида 4287 сўм 50 тийин нафақа пулини олганлиги аниқланди. Прокуратура аралашуви билан нафақа У.Эрнзаров оиласига ундириб берилди.

«Ўзбекистон» маҳалла кўмитаси котиби Норқобил Расулони ўз ишига совуққонлик билан қараб, нафақа пуллари фуқароларга ўз вақтида тўламаганлиги учун интизомий жавобгарликка тортиш ҳақида қарор чиқарилиб, туман ҳокимиятига ижро учун юборилди.

Бундан ташқари муаллиф ўз аризасида биринчи фарзанди учун 2 ёшгача нафақа пуллари оланлигини, лекин иккинчи фарзанди тўғилгандан кейин биринчи фарзанди учун нафақа бермай қўйишганлигини баён қилган.

Ўзбекистон Президентининг УП-2177 сонли (13.01.1999) Фармони 4-бандининг 2-абзацига асосан ишламайдиган онанинг биринчи фарзанди 2 ёшга етмасдан иккинчи фарзанди тўғилса, факат кичкина фарзанди учун онага нафақа тайинланиши ва тўланиши аниқланди.

Юқоридегилардан ташқари аризачи ўғли Рустам Эрнзаровнинг 1995-96 йиллар учун ширкат ҳўжалигидан иш ҳақини ололмаётганлигини баён қилган.

Текшириш давомида Т.Шобуров номли ширкат ҳўжалиги фуқаро Рустам Эрнзаровдан 1995-96-97 йиллардаги иш ҳақидан 2000 йил 10 октябрь ҳолати бўйича 9738 сўм қарздор эканлиги аниқланди. Ушбу иш ҳақи фуқаро Урол Эрнзаровнинг хоҳишига асосан 2000 ва 2001 йиллар учун тўланиши лозим бўлган томорқа солиғига ўтказилган.

**Д.АБДУРАҲМОНОВ,**  
Жарқўрғон туман прокурори,  
адлия кичик маслаҳатчиси

## ҲОКИМИЯТ НАЗОРАТИДА

Тўрақўрғон тумани Холматов кишлоқ фуқаролар йиғини фуқароси Зухрагон Исомиддинованинг «Хуқуқ» газетаси таҳририятига ёзган шикоят хатини ўрганиб чиқиш юзасидан туман ҳокимлигида куйидаги ишлар амалга оширилди.

Туман ҳокимлиги томонидан хотин-қизлар кўмитаси раиси М.Бегматов ва бошчилигида гуруҳ тузилди ва Холматов кишлоқ фуқаролар йиғини маъмурияти ҳамкорлигида З.Исомиддинованинг оилавий аҳволи билан яқиндан танишиб чиқилди.

Шикоятчининг оилавий муаммолари ва соғлиғи юзасидан ота-онаси, қайнонаси ва турмуш ўртоғи билан суҳбатлашилди. Бу пайтда З. Исомиддинова вилоят шифохонасида даволанаётган экан. Ҳозирги кунда фарзандсизлик ва саломатлиги ёмонлиги туфайли турмушдан ажраган.

Саломатлиги тўла тикланмаётганлиги сабабли З.Исомиддинова хотин-қизлар кўмитаси ёрдами билан марказий шифохона бош врачси Х.Алимов назоратида туман шифохонасига ётказилди.

Даволаниш жараёнида шифохона томонидан З.Исомиддиновани имконият даражасида моддий ва маънавий ёрдам берилмоқда.

Туман ҳокимлиги хотин-қизлар кўмитаси З.Исомиддинова соғлиғини тиклаш ва ҳаётда ўз ўрнини топиши учун имкон доирасида ёрдам беради. Мазкур ҳолат туман ҳокимлиги томонидан назоратга олинган.

**Х.ҲОЖИМАТОВ,**  
туман ҳокими

## «ХУҚУҚ»ҚА ЖАВОБ БЕРАДИЛАР

# «51 ФОИЗ МОЖАРОСИ»

«Хуқуқ» газетасининг 6 сентябрь сонидида чоп этилган «51 фоиз можароси» номли мақола юзасидан Тошкент шаҳар прокуратураси томонидан текшириш ўтказилди.

Мақолада «Спорт-савдо» жамоа корхонасининг мухри бекор қилинмай туриб, А.Йулдошевнинг қўлида янгиси, яъни суд томонидан тан олинган «Динамо-1» жамоа корхонасининг мухри пайдо бўлганлиги кўрсатиб ўтилган.

Текширишда аниқландики, ҳақиқатан ҳам Шайхонтоҳур тумани ички ишлар бўлими ходимлари томонидан қонунбузарлик ҳолатларига йўл қўйилган.

Жумладан, Тошкент шаҳар судининг 2000 йил 24 февралдаги ҳал қилув қарорига қўра Шайхонтоҳур туман ҳокимининг 1998 йил 26 февралдаги 261/2 сонли қарори билан тасдиқланган «Спорт-савдо» жамоа корхонасининг таъсис ҳужжатлари ҳамда низоми бекор қилиниб, Шай-

хонтоҳур туман ҳокимининг 1995 йил 27 февралдаги «Динамо-1» жамоа корхонасининг низоми рўйхатга олиш ҳақидаги 22/2 сонли қарори ҳақиқий деб топилган. Ушбу суд қарори асосида туман ҳокимининг 2000 йил 28 июндаги 778-сонли қарори билан қонуннинг олдинги мухри бекор қилиниб, лотин алифбосида мухр тайёрлаш топширилган.

Шайхонтоҳур тумани ИИБ жамоат тартибини сақлаш бўлими бошлиғи Г.Назаров ўз мансаб ваколатини лозим даражада бажармасдан, Вазирлар Маҳкамасининг 1999 йил 3 июлдаги 327-сонли қарори билан тасдиқланган «Молиявий ҳўжалик фаолияти юритмаётган ва қонунда белгиланган муддатларда низоом жағмарасини ташкил этмаган қорхоналарни тугатиш тартиби тўғрисида»ги Низомнинг 3.11-бандига зид равишда «Спорт-савдо» жамоа корхонасининг мухри ва бур-

чақ штампини олиб йўқ қилиш чораларини кўрмаган ва 2000 йил 5 июлда «Динамо-1» жамоа корхонасининг мухрини тайёрлашга 703-сонли рухсатнома берган.

Ушбу қонунбузарлик ҳолати юзасидан Г.Назаровга нисбатан интизомий ҳуқуқбузарликка оид иш қўзғатилди.

Мақолада келтирилган бошқа ҳолатлар, С.Баҳриддиновнинг «Спорт-савдо» жамоа корхонасининг умумий йиғилиш баённомаларини бекор қилиш ва унинг пай улусини тиклаш ҳақидаги даъво аризаси Тошкент шаҳар судида кўриб чиқилган. Ҳозирги кунда бу фуқаролик иши Республика прокуратураси томонидан ўрганилмоқда.

**М.МИРЗАЕВ,**  
Тошкент шаҳар прокурорининг  
биринчи ўринбосари,  
адлия катта маслаҳатчиси

# ПРОТЕСТ КИРИТИЛГАН

«51 фоиз можароси» мақоласи вазирликнинг тергов бошқармаси томонидан хизмат текшируви ўтказиш йўли билан кўриб чиқилди.

Текширув жараёнида аниқланишича, Саъдулла Баҳриддинов Тошкент шаҳар Шайхонтоҳур туманида жойлашган «Динамо-1» дўкон директори вазифасида ишлаб келиб, унинг мансаб ваколатидан фойдаланиб, гараж мақсадларни кўзлаб, 1994 йилнинг 10 июнь кунини ушбу дўконни «Динамо-1» жамоа корхонасига айлантириш тўғрисидаги қалбаки таъсис шартномасини тузган. У шартномага ўзининг пай бадалини 51,8 фоиз деб ёлгон маълумот киритиб, Шайхонтоҳур туманидаги 2-сонли давлат нотариал идорасининг давлат нотариуси Қ.Ғиясовага бу шартномани тасдиқлатган ва Шайхонтоҳур тумани ҳокимиятидан рўйхатдан ўтказган.

Қиматай Ғиясова ва Саъдулла Баҳриддинов ўзларининг юқоридега баён қилинган ҳаракатлари билан 1999 йил таҳриридаги ЖКнинг 155-моддасида кўрсатилган жиноятни содир қилган.

Фуқаро Қ.Ғиясова, С.Баҳриддиновнинг айби жиноят иши бўйича тўпланган материаллар билан тўлиқ тасдиқланган.

2000 йил 18 июнь кунини фуқаро Қ.Ғиясова ва С.Баҳриддиновга нисбатан қўзғатилган жиноят иши уларни жиноий жавобгарликка тортиш муддати ўтганлиги сабабли ЖКнинг 84-моддаси 1-қисмига асосан туга-

тилган. Жиноят ишини ўрганиш иш бўйича қабул қилинган қарорнинг асослигини кўрсатди.

Устав фонди бадаллари миқдори хусусидаги низоми эса судда фуқаролик тартибидега кўриш тавсия этилган.

С.Баҳриддиновнинг устав фонди бадаллари миқдорини 51,8 фоиз ҳисобида белгилаб бериш ҳақидаги даъво аризаси тергов идораси ваколатига кирмаганлиги сабабли бу даъво 2000 йил 24 февраль кунини Тошкент шаҳар судида судья Х.Ҳақимов раислигида кўрилган ҳамда С.Баҳриддиновнинг даъвоси қисман қондирилганлиги тўғрисида қарор қабул қилинган.

Тошкент шаҳар судининг ушбу қарори 2000 йил 5 май кунини Ўзбекистон Олий судининг фуқаролик ишлари бўйича судлов коллегиясида кўриб чиқилган ва қарор ўзгартиришсиз қолдирилган.

Ўзбекистон Республикаси прокуратураси томонидан фуқаро Р.Ниғомонов ва С.Баҳриддиновларнинг ва Ўзбекистон Бош прокурори номига йўллаган шикоятлари асосида мазкур фуқаролик иши бўйича қабул қилинган суд қарорлари ўрганиб чиқилган ва аниқланган ҳолатлар юзасидан 2000 йил 2 октябрь кунини Олий суд Раёсатида назорат тартибидега протест киритилган.

**А.ШАРАФУДДИНОВ,**  
Ички ишлар вазирлиги  
тергов бошқармаси бошлиғи



Наманган вилоят прокуратураси ходимлари фуқароларнинг мурожаатларига доимо эътибор билан қарайдилар. Ҳар бир ариза қонуний ечимини топиши учун ҳар бир ходим ишга масъулият билан ёндошади.

**Сурат:** вилоят прокурорининг катта ёрдамчиси, адлия маслаҳатчиси Иқромжон Солиев фуқаролар билан суҳбатлашмоқда.

Менинг отам II Жаҳон уруши иштирокчиси эди. Отам вафотидан сўнг 3 қиз ва 1 ўғилга уй ва «Москвич» русумли автомобиль қолди. Утган йили уй ва машинани ўз номимга расмийлаштириш учун Дўстлик туман нотариал идорасига мурожаат этиб қонунда кўрсатилган тегишли хужжатлар ҳамда учала опаларимнинг меросдан воз кечганиги ҳақидаги маълумотномани топширдим ва бир амаллаб уйни ўз номимга расмийлаштириб олдим. Сўнгра машинани ўз номимга ўтказишни сўраб Дўстлик туман нотариусига мурожаат этганимда, у киши автомашинани расмийлаштириш учун давлатга боғе тўлашим, яъни Дўстлик туманидан вилоятга бориб, у ерда ташкил этилган «Кафолат» уюшмасига бориб автомобилни нархлаб беришни ва ўша нархга нисбатан юздан бир фоиз миқдорда пул тўлаш лозимлигини тушунтирди. Ундан ташқари яна бир қанча хужжатларни тўғриладода пул тўлаш лозимлигини уқтирди. Юқорида талаб қилинаётган ҳолатлар тўғрими?

Э.Ҳамроев,  
Жиззах вилояти

Автомашина сизга мерос сифатида ўтар экан, амалдаги қонун нормаларига мувофиқ у солиқ солинадиган даромад ҳисобига киради. Мерос мулкига эса солиқ мерос очилган вақтдан бошлаб ундирилади.

Қонун талабига кўра мазкур мулкка нисбатан бўлган эгалик ҳуқуқи сизга ўтганлиги нотариал идора томонидан тасдиқланади.

Бинобарин, «Давлат божи тўғрисида»ги қонун талабига мувофиқ нотариал идоралар томонидан қилинган хатти-ҳаракат учун белгиланган тартибда давлат божи ундирилади.

## ҲУҚУҚИЙ Маслаҳатхона

САВОЛЛАР

ЖАВОБЛАР

Хўжаликдан ер олиб шартнома асосида экин етиштирган ижарачи кўзда экинни йиғиштириб олмаса ёки бундан бош тортса шартномани бекор қилиб, уни (ижарачини) хўжалик аъзолигидан чиқариб юбориш мумкинми?

С.Каттабоев  
Наманган вилояти

Одатда шартномада ҳар икки томоннинг ҳуқуқ ва мажбуриятлари аниқ кўрсатиб ўтилади. Шу билан бир қаторда унда шартнома шартларини бажармаслик оқибатлари ҳам белгилаб олинади.

Бинобарин, жавобгарлик чоралари энг аввало мазкур шартнома шартларидан келиб чиқиб белгиланади. Масалан, ижарачи шартнома асосида фалонча маҳсулот етказиб бериш мажбуриятини олган бўлса-да, лекин бу шартни совуққонлик, масъулиятсизлик ва ҳожазо шу кабилар сабабли бажармаса, бунинг оқибатида иккинчи томонга (ижара берувчига) етказилган зарарни у тўла ҳажмда қоплаши шарт. Агар мазкур ҳолат, яъни шартнома шартларини бажармаслик ижарачига боғлиқ бўлмаган ҳолатлар туфайли келиб чиқса, унда жавобгарлик чоралари белгиланмайди.

Узига боғлиқ бўлмаган ҳолатларга табиий офат, ёнгин ва бошқа энгил бўлмас куч натижасида келиб чиққан шарт-шароит (форс-мажор) ёки иккинчи томоннинг айби натижасида шундай оқибатнинг (мажбуриятни бажармаслик) келиб чиқиши киради. Шунинг учун бундай ҳолатлар шартномада кўрсатиб ўтилса, мақсадга мувофиқ бўлади.


Агар шахс бундай оқибатнинг келиб чиқишида ўзини айбисиз деб ҳисобласа, у бунинг иботлар бериши лозим.

Уни ушбу ҳолатларга кўра хўжалик аъзолигидан чиқаришга келсак, бу масала ҳал этилаётганда меҳнат қонунчилиги нормаларига, жамoa шартномасига, шахсининг ўзи билан тузилган шартнома шартларига қаралиши лозим.

Лекин ҳар қандай ҳолатда ҳам ўз ҳуқуқ ва эркинликлари поймол этилган деб ҳисоблаш учун етарли исботга эга бўлган шахс бунинг тиклашни сўраб судга мурожаат этиш ҳуқуқини сақлаб қолади.

### РЕКЛАМА

# БЕРУНИЙ «ЁҒГАР» ҲИССАДОРЛИК ЖАМИЯТИ




Корхонада ишлаб чиқарилаётган кўйидаги маҳсулотларни харид қилиш учун шартнома тузишни таклиф қиламиз.

- тозаланган пахта ёғи;
- кунжара;
- шелуха;
- соапсток (хўжалик совуни ишлаб чиқариш учун хом ашё).

Маҳсулотларимиз сифатига кафолат берамиз.

**Биз билан ҳамкорлик  
қилинг!**

«Ёғгар» ҳиссадорлик жамияти ишлаб чиқариш қуввати ва ҳажмининг йил сайин ортиб бораётгани тайёр маҳсулотларни шартнома асосида сотишни янада кенгайтиришга имкон яратди.



Мурожаат учун манзил:  
Қорақалпоғистон Республикаси, Беруний шаҳри, Охунбоев кўчаси, 12-уй.  
Факс - 5242722  
Телефон - 5242445



